

隨

山

館

猥

稟

隨山館猥稟卷之二

山陰 汪 璩 玉泉

詩乙

早春多寒喜溥臣季英見過

以下辛亥

何處吹簫喚賣餠東風猶欠一分晴春寒深巷稀花事  
客到開門喜屐聲塵尾互操才語僂蠅頭親寫小詩成  
墨巢亦是留連物茗椀煎鑪總有情

屈戌二首

深鎖春光淺貯愁闌干西角屋東頭誰歌午夜烏棲曲

慣聽丁冬燕子樓無限深情同曲折不多魂夢被句留  
有人獨倚屏山立欲解連環意尙羞

聽到玲瓏第幾聲金鷺了鳥未分明歲華入扣春難見  
華鈴微敲夢易驚珠絡索連窗四面玉杳恩掩月三更  
阿甄自向東風笑深鎖銅鋪尙有情

碧窗

碧窗紗外有蟲聲料峭風多斗帳輕畢竟是寒還是暖  
一宵春夢未分明

花球感舊詩晚春偕同人遊某氏園作

春陰時節春江路纔見春來恐春去正是東風病酒時  
來尋南部聞歌處素馨斜畔雨初收魚藻門前水倒流  
隔岸人呼桃葉渡尋春客上木蘭舟錦帆一幅凝烟重  
五兩牙檣好相送兩槳飛來水欲波十年重到人如夢  
記得當時蕩畫櫂名園深處自相招紗窗低卷青油幕  
綺席同聽紫玉簫幾許烟花爭著錄莫愁艇子無愁曲  
桃花人面認斜紅桂葉仙眉分小綠斜紅小綠最關情  
花外驕驄柳外鴛自碎鸞籠閑顧曲親調雁柱促彈箏  
彈箏翠袖今何在館物遷移不相待依舊樓臺近水開

可憐風月因時改前度劉郎一再經  
裘腰草色尙能青  
罰來金谷多殘酒尋到玉樓無故釘  
玉樓十二闌干小  
窗榻塵封金了鳥詞客相思洛佩涼  
美人一去湘裘杳  
洛佩湘裘事有無相看且醉卓家壚  
樹猶如此憐楊柳  
我獨何心聽鷓鴣

讀遺山集

黍離歌後迹飄零留得金源舊典型  
大定山河餘涕淚  
太原風雨走精靈文章一代中州集  
心事千秋野史亭  
悵望五花碑碣在韓巖終古向人青

襟著六首

更吹新好有燈傳  
宵落宗風第二詮  
會得語言文字了  
不須重唱口頭禪

五色明霞爛絳霄  
眞靈位業有招邀  
平生不讀神仙傳  
枉說瑤華路最遙

成連一曲水雲寒  
古調于今只獨彈  
貢梓嬰磈人不見  
虧成而外賞音難

浪說昆吾製最工  
委然戴燭妙光融  
人間自有連城壁  
不在雕文刻鏤中

無縫天衣謝翦裁  
禱絲沈水玉梭開  
是誰竟碎襄荷錦  
轉著諸于繡襖來

遊聖歸和迹已神  
角端符拔漫相鄰  
諸公自愛麒麟楨  
畏獸能圖尙有人

柳影

最迷離處最難忘  
十二闌干六曲廊  
一樣模黏窺碧玉  
幾回約略認紅牆  
干卿底事憐春水  
似我多情戀夕陽  
別有相思閑觸  
迓烟痕微綠月微黃

效玉臺體四首

青瑣褰初日朱綸約曉風相看如畫裏由來是鏡中柔  
膚辭粉白笑靨散斜紅不是張京兆眉嫵若爲工  
多勝劉碧玉曾是卓文君約鬢橫釵朵回腰束練裙微  
擡知入月餘夢劬爲雲持比乘鸞畫縹眇詎能分  
洞房乍生月繡幃時避人含情如欲笑恃愛卻微瞋自  
名秦氏女舊是宋家鄰相憐復相惜嬌羞不自陳  
春恨似春煙春情復可憐東風吹夢去郎在阿誰邊積  
恨經三月懷歸各一天妾心已斷絕君還更幾年

郊行六言



綠蕪十里五里黃鳥一聲兩聲煮繭人家午寂插秧時  
節春晴

寄趙山人念時山人方遊羅浮

朱明洞口一枝筇  
蹋到烟霞第幾重  
葛令坡仙餘勝事  
藥鑪丹竈此遊蹤  
破除白髮三千丈  
來往青山四百峰  
留得五雲書閣字  
莫教輕被碧苔封

論文一章贈季英

爲文不尙奢  
詣極在稽古  
往籍多紛綸  
醇駁隨所取  
後世重糟魄  
卮言倘規矩  
海懷徒苦辛  
津逮動舛午弱或

繞指柔強遭絕臆侮皮傳失其真日已不猶愈我友方  
弱齡前猛鸞鉅黍結緣生光芒蜚黃事軒舉奇警造平  
淡精刻寄椎魯高情不諧俗所至有齟齬仰屋爲周旋  
微言駭儔侶論交將十年謝調無一語疎節頗相類失  
笑相爾汝我聞在往昔志士謝媚嫵可使焚膏蘭終當  
采芳杜自白士所羞殺青孰相與卞和不識真良璞意  
消沮苟得作者心不必定矜許我曹雖溝猶蹤跡託羈  
旅義心出古調頗復解擊拊孤詣積歲年抗懷走風雨  
功累三成臺文成九苞羽要當立騷壇折衝在尊俎故

人夙相知頗識用心苦浩歌一示君長風動衡宇千秋  
豈軒冕百事尙塵土勸哉後世名不關出與處

和少香詠物二首

銷魂詞唱玉梅花小字分明喚不差萬古神仙皆雪色  
六朝文筆最風華好從畫苑求遺本別有侯封出外家  
多事東鄰嫌太白臉波添與一層霞粉

日給曾聞出未央橫雲卻月試新妝中官五斛徵螺子  
小字千秋配雁孃人似崆峒方解用客非京兆不能狂  
要他淺綠脩眉史十樣圖成筆有香黛

寄仲容京師

有序

仲容以今年二月北遊京師意欲爲詩送之人事牽率  
忽忽不果五月三日枉足下江西道中書及見懷詩二  
章知行李以季春度嶺北此時當去京師不遠矣僕與  
足下交且十年肺附無異所以望足下者甚厚南北風  
土異宜幸善自愛又僕伏處海隅不得與足下同遊燕  
趙閒一覽名山大川以增益聞見感知己之遠去慨退  
陬之滯淫惜別攄懷不能自己輒爲長歌一篇奉寄文  
體骯髒殊無足觀所冀區區之心獲識察耳玉泉白

男兒三十當封侯快意且作長安遊桑弧蓬矢自有志  
駑馬伏櫪非吾儔送子春城下別子春江頭星離雨散  
忽萬里相思相憶何時休憶昔與君初握手高齋一見  
呼吾友過從不記月幾回看落簷花翦春韭一朝別我  
振衣行江草江花無限情只賸虞翻留粵嶠遠看巖助  
謁承明相思不爲江波隔江上鯉魚長一尺妙句相貽  
荔子村征途昨過梅花驛嶺南嶺北路漫漫大地寥天  
一羽翰方向江湖辭利楫又從塵土試征鞍加餐努力  
當年少如子才應在廊廟要令慷慨終軍驚無徒效省

仲華笑況今西域貢麒麟推轂允先席上珍

天子南宮方試士公卿東閣數留賓每聞蘭署多遷擢  
不使荷衣有隱淪此際才人應得志好花看遍

帝城春風吹子陵懸圃有客羈棲守環堵冀北文章  
定易傳周南畱滯終無補少年蹤跡各西東攬芷攀蘭  
有始終黃鵠飛騫白鷗逸出處不同情性同他年歸志  
兩俱遂惠山泉石樵溪風毋忘烏帽青鞵客相竦丹山  
碧水中

庭樹

庭樹本蕭然得雨足秋意涼風一吹之落葉紛滿地枝  
榦空天矯芳華易憔悴豈有鴻鵠棲不無蟲蠹萃我來  
坐其下攀似一歔歔偃蹇塵土中甯因不材棄

眠鷗館夜坐

新涼如水上疎糲香半銷殘酒半醒深院閉門人寂寂  
小樓吹笛夜泠泠花房露重眠雙蝶竹徑風微閃一螢  
回首得憐堂畔路十年幽夢太零星

五月二十四日偕竹樓溥臣遊唐荔園

昨夜南風吹雨歇清遊誰探虬珠窟傳聞臺榭重三唐

難得陂塘逢五月君謨遺譜舊會知況是招涼追暑時  
白練詞人宜小集絳羅仙子正相思珠江喚渡微波起  
地隔南壕無十里晴吹五兩藕花風暖漲三篙瓜蔓水  
亂蟬聲裏畫船來幾處林亭近水開種樹足供園客課  
論詩轉憶古人才駢枝影濕紅綃露舊是名賢題詠處  
七字詩成字亦香千秋名在人猶慕太息唐園問故基  
流傳陳迹至今疑不須更說紅雲宴可高吟白傅詩

六月二十八夜碧仙霞館卽事二首

才卷湘簾坐碧紗雲鬢低壓玉簪斜晚風試覓香來處



只在銀絲末麗花

夜深同倚碧闌干  
指點雙星帶醉看  
笑勸蕉衫添一領  
近秋風露漸生寒

七夕過舊遊處二首

舊館重經思悄然  
仙羣人遠月如烟  
輕羅小扇泥金字  
領略西風十二年

宛轉蛛絲玉匣寒  
曝衣樓下再尋難  
兒時半臂青荷葉  
也作風裳水佩看

粵秀山觀晚霞歌

三庚朱陸頽驕陽萬里渤澥連榮光日精水氣盪摩久  
倏忽霞采生西方霓旌虹鞠纏連不可數燭龍十二招  
我登崇岡升高俯視奇景出遂與崑崙九光相頽顏初  
猶隱見限邊幅繼乃瀕洞連蒼芒法界金繩萬條微炎  
官火繖六合張威鳳羣飛過西嶽遑龍絕立移南荒仙  
人佩裳紛五色天孫奇錦開七襄紫氣函關孰來過黃  
人日觀爭迴翔赤燦六月怒不已朱明一曲歌未央金  
支翠蕤忽變滅珠光劍氣猶輝煌我昔吟詩愛餘綺亦  
思學道霏丹裳騰輝舒豔今一覩看朱成碧心飛揚赤

城作賦慕孫綽丹樓引喻思長康流雲灑液如可得遲  
我十洲餐玉漿

曉寒曲

丁星綠霧凝花重鈿合無痕龍腦凍天風吹折冰蠶絲  
獨擁紅氍不成夢玉鑪焰碧拋蠟簧冷咽鸞笙聲不長  
衍波箋上眞珠字淡墨如烟記何事

秋日柬溥臣

衡華閣畔聽涼蛩此際簾波暗一重定有伶俦秋樣子

折枝小譜寫芙蓉

衡華閣溥臣所居

秋晚

苔階煙漠漠，書幌晝陰陰。  
客伴幽花住，秋隨落葉深。  
魚生死瘕蟋蟀短，長吟惟有梧桐樹。  
西風共此心。

古意同季英作

將軍橫海下樓船，思婦高樓夜不眠。  
直北人行銅柱外，征南信斷玉臺前。  
蘭闥明月年三五，桂水涼風路八千。  
欲寄離心託鴻雁，雁飛應不到蠻天。

同作

金匱  
杜 雋 季英

挾瑟高堂小婦愁，從軍宕子卽兜鍪。  
螽斯昆侖戰月臨關

迴桂嶺蠻雲渡海秋南國一年磨鏡面西風千里怨  
刀頭離魂應與銀河影併入灘江江水流

得十二兄潮州書

昨夜韓江驛使回越城秋老尺書開青袍行處千山合  
黃葉聲中一雁來歲月負人常撫劍弟兄羈旅各登臺  
平居尙媿東頭屋破帽疲驢信可哀

病起雜詩三首

臥疴閱旬日足不出戶庭撫枕感流光聞此寒蛩鳴今  
日體氣佳涼風倚前楹地僻往來寡秋肅景物清青苔

忽無色黃葉時有聲念茲復慨然杯酒聊獨傾更讀古  
人書神遇不以形緬焉一尊樂邈矣千載情

朝日霜未晞西風撼庭牖起來聞剝啄隔戶問誰某見  
客無他詞變色微責負我笑謝客言感子故意厚同在  
大造中何者爲我有欲償囊無錢不謂行已久報子當  
有時且復飲吾酒

故人多結鄰佳日多吟詩素心得三五過從亦有期清  
風滌煩襟疾去人不知微吟不經意亦復時得之故人  
與佳日皆與吾詩宜藥石昨見屏方當懷酒后重九愛

其名

用淵明九日詩序意

毋負登臨時

晚出北郭

步屨不知遠，儵然衣袂涼。獨遊去城市，發興自林塘。一水澹秋影，四山留夕陽。旅愁與塵事，且喜暫相忘。

雜詩二首

人患不好名，虛名亦何好。標榜招愆尤，聲華不須早。爲已識夷塗，學道得深造。沈潛進高明，榮秀起枯槁。人望自有歸，初不藉品藻。太上不朽三，後來有所考。庶幾實之賓，亦爲識者寶。

小兒不解言疾苦多難治小民不敢言疾苦何由知循  
吏當親民爲治當因時紛更出流弊補救每已遲侈口  
言痼瘕隔膜論瘡痍高談動流輩無奈達者嗤

夜歸

卻從燈火認柴扉  
夜半歸來酒力微  
霜月一街人影小  
涼痕如水上秋衣

絕句

窗鎖黃昏靜  
簾垂綠霧低  
一株疏柳影  
眉月在牆西

九日越秀山登高寄仲容



獨立蒼茫獨放歌登臨無改別離多  
秋生南海三山迴  
人在西風一雁過  
塵世菊花懷小杜  
荒臺桂蠹弔臣佗  
蠻陬近事君知否  
桂管經年未息戈

戲書茶君無題詩後

坤靈扇牒影模糊  
銅照呵光事有無  
約指一雙秦氏女  
纏頭百萬霍家奴  
浪傳有婿如厮養  
畢竟無郎是小姑  
寄語嬾川亭上客  
未須惆悵贈明珠

九月十一夜偕溥臣過張竹鄰

楠

六息軒劇譚

竟夕

江城夜半風怒號星月不動寒空高兩人狂叫一人起  
此時意氣何清豪天涯羈旅共冰雪舌本快語翻波濤  
雄譚近喜得公等好事沉復當吾曹張子一生江海客  
嶺外東西有行迹曾收溟渤入袖中夜見珠光破秋碧  
竹鄰遊惠州居海濱者兩載爾來重賃伯鸞廡小住近依楊子宅食  
貧誰復知性情愛客猶能見標格年年遼海多秋風吾  
生與子將無同少年刺促不得意奇書熱酒皆無功功  
名不作爛羊想交遊半在屠狗中逆旅相逢一長歎似  
此牢愁無畔岸論交近復到水雲入世應知更冰炭武

功一集今如何師友生平共淒斷

謂故友姚習菴習菴受經於竹鄰而與溥

臣及余皆總角交也習菴遺詩散佚君將就其家覓之

吁嗟乎人生感慨何其多

往事已作秋雲過異鄉知己不易得詩城酒壘聊婆娑  
驚人縱無謝眺句斫地且止王郎歌湖海相逢不爲樂  
他時離別將如何

送溥臣之肇慶

三十六江流西風一夜秋秋潮三百里送客到端州

便足

便足爭千古何曾直一錢飛揚遭詭病辛苦送華年霜

雁聲尤苦山雞影自憐元文猶覆醬多事計流傳

黎近夫

汝愨

來廣州相見于張松谷

權

寓齋縱

飲極醉賦此贈之并示松谷溥臣四首

明月出東斗梅花受北風神遊千載上春在一尊中白  
屋詩名賤青雲結習空相逢有同志爲我覓無功

黎生知我久湖海許狂吟琴劍天涯合風烟歲暮深扁

舟千里道文苑百年心亦解成新語蕭條陸賈金

近夫  
曩客

樂昌見余詩遂  
以書來訂交

意氣無刀布文心有劍鋸眼明遊俠傳齒冷少年場何

物芙蓉鏡平生薜荔裳若非公等在吾亦諱疏狂  
風色動關河蒼茫入醉歌論文前輩少知己異鄉多水  
落魚龍蟄天寒雁鷺過酒闌重歎息戎馬近如何

同松谷飲酒作

莫怪桓伊喚奈何綺懷豪氣總銷磨人文有數奇才少  
宇宙無聊醉語多道在彭殤休異視地非燕趙亦悲歌  
從今好覓安心法花雨漫天下曼陀

無題

花是前身絮後身二分風雨一分春卿于池水干何事

我記仙山有此人  
鬢鬢纏綿原大誤  
蛾眉謠詠太無因  
淚痕沁透羅衫碧  
淺笑猶難况敢顰

自書詩稿後

搓酥滴粉幾經時  
暈碧裁紅不自知  
贏得旁人添口實  
少游原是女郎詩

偕客晚出北郭

匡居逢歲晏  
愁來何所適  
相攜出近郊  
騁望臨廣陌  
鐘沈古寺寒  
樹暗遙村夕  
臘鼓叢祠神  
邨醪比鄰客  
人語樂年豐  
羈心感形役  
亦欲少遲留  
蒼然暮烟白

小除夕與松谷縱飲極醉作歌

酒人不上天酒星不墮地東風萬里吹不醒但覺乾坤  
皆酒氣梅花肯爲吾曹開不知歲晏知春來兩人絕叫  
巾幘脫闖然直上糟邱臺忽作狂歌忽長嘯悲喜無端  
總清妙老梅未見如此人寒入心脾向之笑我從五年  
前早聞京兆郎曾從醉翁醉頗類狂奴狂今年仲秋始  
握手便向酒國相翱翔過江僕射亦良快臥甕吏部膺  
何傷今夕沈酣亦何有酒在衣襟詩在口  
松谷見  
贈句 乾柿  
有此兩酒人且酌酒星一杯酒

元日 以下壬子

銅街吹遍賣花聲  
人影衣香醉越城  
海國春光來較早  
兒時舊事記難清  
雙柑檢點生詩思  
一刺周旋悟世情  
祇喜輕寒復輕暖  
天公今日試新晴

人日許淑橋

禱光

招同松谷溥臣雲雁陳朗山

·良玉

潘謙谷

受益

花埭看牡丹分韻得早字

春禽發聲客窗曉  
草堂老梅迹如掃  
頗欲出門覓佳卉  
也如上日思芳草  
仙人玉斧忽見招  
香國瑤林恣搜討  
扁舟直過昌華苑  
勝地都疑洛陽道  
園亭春事競穠華



賓客風流盛文藻倡條冶葉不足數獨有奇葩出塵表  
迷人香霧凝不飛巾地豈雲望難了晴光入樹烟微微  
暖氣侵衣日杲杲東風有意招客行南國由來得春早  
花垂畫檻壓庚辛人壁吟牋和丁卯我入新年百不樂  
偶借名花豁懷抱敢同白傅作詩諷欲爲黃筌開畫稿  
玉山勝集吾輩同金谷清遊邇來少不須正午驗貓睛  
且向靈辰識鴻爪

至山亭

在越秀山學海堂後

木棉作花春悄悄鷓鴣啼雨山陰陰至山亭上一回首

如此春光傷客心

小極

寂寂傷春意濛濛向晚天  
苔痕三日雨花影一層煙  
小極憐佳日閒愁損少年  
斷腸無限句寫遍衍波箋

春夜雨中秋坪述壬寅春清遠舟次夜雨聯句  
事忽忽十載矣

漁火空灘記泊船  
疏篷清響不成眠  
一鐙重聽今宵雨  
喚起江湖夢十年

舊句重吟感不支  
天涯容易鬢成絲  
扁舟後夜羚羊峽

又是青篷聽雨時

時秋坪將之肇慶

效崔國輔小詩四首

曉來臨鏡檻郎與貼珠鈿一片圓冰影歡憐  
自憐蛾樣經時鎖螺痕著意安十眉圖好在總覺入時難  
慣是春來病腰支減一圍藥香銷不盡和淚染羅衣  
病久從人笑愁深只自知雨絲風片外更有斷腸時

溥臣招同松谷黎丹卿

汝忠

衡華閣小集時并

卿將之高要

草長鶯飛感歲華遊絲落絮又天涯餞春時節宜申酒

爲客心情聽賣花歌曲漫拋珠絡索畫圖剛展玉丫叉  
明朝更有離亭恨莫惜當筵帽影斜

喜晴

空齋雨不休作意困羈客短榻沿苔痕壞牆篆蝸迹計  
日望開霽託居苦幽僻失喜天光青忽破雲影白清風  
薄暮來曠爽異疇昔斜景入堂軒晴光照几席豁如蠲  
沈疴快若歸遠適一笑神氣和坐臥亦云適起步庭階  
閒翛然倚孤石落日照高林眩轉化金碧俯視古榕陰  
蒼潤入餘積虛室微生涼聞窗暗將夕事過忘幽憂興

來暫怡懌今夜判不眠看月岸巾幘

季英和余喜晴詩慰藉良厚時夏雨復作浹旬  
不止意甚苦之得季英詩乃適然而笑更用前

韻奉會

風雨懷故人關河感羈客南交卑濕地同此寄蹤迹聞  
見增牢愁依栖習遐僻疎狂與潦倒但供世眼白嶺外  
流寓多我聞在古昔竒窮出文章瘴癘如衽席功曹訶  
林居玉局儋耳謫况我泥塗人憂來復何適尙賴吾子  
賢深文類鍼石穠華謝春紅清氣入秋碧新詩洗我胸

不使塵垢積人事變陰晴貧交自晨夕  
達語破障蔽煩  
憂化和憚草堂春酒香遲我醉脫幘

聞道

聞道蒼梧野經年未息兵大星搖夜色橫  
海樹風聲弓  
箭鄉軍社旌旗僕射營應須耀河鼓急爲掃欃槍

竟鑿兇門出將軍氣浩然平生輕馬革至死握龍泉  
盜  
賊終灰燼烽塵有歲年似聞靈爽在鬼馬夜回旋

聞粵西人

說如此

戲題沈鶴笙

松年

憶翠圖

袖薄天寒夢不成一螺眉樣未分明圖成合署銷魂字  
身是江南倚翠生

沈石田盒子會詩真蹟署款曰倚翠生

夏日病中雜詩五首

新來瘦減苦吟身習靜耽閒總未真失笑一齋如斗大  
藥烟影裏著詩人

眠鷗池館到應難落盡紅衣客未看難忘招涼亭一角  
荷花深處小闌干

硯匣塵封偶一開閒吟有味妙于回天公不破催詩例  
竟遣輕雷送雨來

李生

季膺

酒態俞郎畫

浦臣

河朔風流盛往年今日閉

門同一笑故人鬢影颺茶烟

長安過夏杜司勛

仲容

令弟詩篇迴出羣

季英

臥病懷

人獨不見荔支香後最思君

仲容有游唐荔園詩甚工

綠滿空庭草不刪藥鑪茶臼足蕭閒人間不少徐常侍

小極何妨一閉關

偶書

深院無人行濛濛綠陰午微風來有聲榕子落如雨

光孝寺



初地開清磬幽人獨往時涼陰雙樹合秋意一蟬知漢  
塢銷殘鐵唐銘蝕斷碑南能不可見風定片旛垂

九兄至自吳中

廿載飄零各一天相逢逆旅亦淒然同聽別館三更雨  
轉憶鄉關萬里船嶺海獨來應不易風塵爲客幾經年  
祇餘一事強人意行卷新詩示惠連

戲成二首

富貴辭吾輩清寒足此生萬花詩骨豔一月慧心明常  
語皆文字貧居有性情故人太多事爲我諱狂名

室靜人無語秋深客未知病爲安樂法貧得性靈詩簾  
影波千疊瓶花露一枝眼前眞實景他日便相思

放言二首

古人誦詩書初不爲科第各有千秋懷豈爲一得計吾  
黨二三子頗復解此意窮年經籍中不就司試學人  
固當爾亦復不足異奈何流俗人咄咄呼怪事

我本狷者耳人迺呼爲狂究其所以然眞氣時飛揚未  
流尙虛僞骯髒習爲常舉止少異眾指目叢謗傷我聞  
孔門下狂者有琴張漢廷推次公晉代稱嵇康美名作

譏毀我媿不敢當

送朗山北上

佗城楊柳不堪折庾嶺梅花復愁絕聞君將與計吏偕  
請賦長歌一爲別別君還認孝廉船遙指長安路八千  
南海衣冠看此日西京禮樂盛當年重游京國休辭遠  
吐鳳鸞龍足雕纂虎觀方招綴學儒燕臺又闢翹材館  
績學儲材自有真看君意氣已殊倫文章董賈追前輩  
詞賦曹劉許替人分明五鳳樓中手定許才人得天厚  
明年三月杏花時一棧遙飛曲江酒阿房一賦有人知

四十登科未是遲但願詞章歸實用好持經術報

清時我生夢不關青紫少壯百爲無一是自分江湖老  
此生惟將廊廟期知己知己平生無限情語君珍重送  
君行儒林文苑千秋業水驛山郵萬里程

小遊仙六首

瓊華光碧路依稀鸞鳥無聲鶴不肥生恐御風無氣力  
天寒猶著五銖衣

飛瓊不贈紫金丹辟穀無方煮石難一片明霞千樹柏  
居然傳語勸加餐

玉臺涼月影初斜尺八聲寒靜不譁惆悵飛來雙紫鳳  
夜深何處覓桐花

甲帳書仙亦自迂朝朝密字寫珍珠不知唐韻編成後  
換得麻姑米也無

唐宮往事太神奇銀乳融成世未知可惜蓬萊春雪後  
耿先生去已多時

采芝鍊藥自年年未許墉城證列仙何日謨觴偕隱去  
玉皇詔賜買山錢

竹鄰有惠州之行溥臣繪羅浮探梅圖送之余

題此詩

青山四百春風吹千樹萬樹梅花時往昔師雄夢遊處  
圖中髣髴能見之故人張子最清發託興丹青意超忽  
出門欲覓仙山春展畫先逢古時月屐齒未到朱明天  
山情詩夢相周旋縞袂仙人若遙待鐵橋日觀皆春烟  
我生兩過循州道疊嶂雲封謝幽討山靈拒客客自慙  
今日披圖豁懷抱茲山左股分蓬萊中有老梅無數開  
他時君果看花去我請相從華首臺

隨山館猥稟卷之二終

隨山館猥稿卷之二終

隨山館猥橐卷之三

山陰 汪 瓌

詩丙

出郭遇竹鄰

以下癸丑

自攜尊酒出城東，朋好清遊訝許同。  
布穀聲多田水綠，攀枝花發寺門紅。  
尋詩恰愛廉纖雨，被酒微嫌料峭風。

又聽秧歌催早作

粵人呼早禾曰  
早作見廣語

今年鋟事太念念

清遊

清遊乍遇卓香車，大道朱樓近狹斜。  
春水心情憐柳影



夕陽顏色在桃花赤闌橋外無多路青粉牆頭阿那家  
似是分明偏隱約相看猶隔一層紗

春陰二首

炷盡金鳧火不溫鷓鴣聲裏近黃昏東風吹過梨花雨  
點上春衫談酒痕

濛濛花影隔紅樓窄地湘簾不上鉤幾日春陰最無賴  
只添人病要人愁

春陰出郭得二十八字

春水隨風無氣力春山將雨有愁心尋春直到城東路

轉覺春光不可尋

送竹隣之河源

春陰三日風景暮脫帽卷書坐清曙故人長揖來見辭  
請得贈言託豪素聞君心迹夙醇粹學圃詞場久馳騫  
文章一事少解人衣食十年傍行路嵇康龍性窮不馴  
次仲牛衣恨誰語鹽車厯坂幾顛蹶僅得孫陽一回顧  
昌黎休作送窮文笠澤應刪自憐賦河源古縣風氣佳  
山郭水邨幾參互曾聞羣從爲我言中有竹林遊厯處  
君行但過循州道路繞羅浮更東去停舟一酌槎江清

應憶吾家舊詩句

家兄秋塘嘗侍先叔父賢甫先生遊河源雞犬荒村晚魚鰕小市隄離人

夢出千山外古縣名猶六代餘皆在河源時所作詩也

人生離合如雲萍世事推

遷忽風絮勸君別酒君毋辭明日相思滿江樹

春夜懷季英

初暄愛良夜酒罷中庭立澹月出流雲移時復還入風  
微竹聲小露重花影溼撫景懷嫩人宵分離思集欲往  
竟何能徒勞寄篇什

春晚過讓卿上人精舍

東風吹過午鐘聲  
祇樹林中偶意行  
花雨經幢人一笑

茶煙禪榻客三生白蓮別集新詩好青豆連房古磬清  
不是因緣文字在迦陵仙鳥自相迎

放言四首同季英作

我亦模糊入醉鄉自攜尊酒拜蒙莊虛堂風雨春無味  
古劍星辰夜有芒天道窮時歸氣數人情悟後悔文章  
新來莫怪頽唐甚坐對貧交詎肯狂

明月當頭酒入脣不生歡喜不生瞋便居卿相能何事  
好爲詩書重此身往昔成名多豎子我曹相惜半癡人  
臬盧牛馬須臾變省識輪贏總未真

倒頓離披舞不休江天隨處著虛舟  
不忘我相終爲累可與人言未是愁  
入世何曾通一事自欺聊復說千秋  
求田問舍恩恩甚祇合高眠百尺樓

不成仙佛不英雄來往詩城酒國中  
心事空明梅影月情懷駘蕩柳絲風  
美人少小能知我阿堵平生最溷公  
但願化爲胡蝶去百年魂夢萬花叢

過白雲菴

有序

菴在廣州城北小岡上本名太平菴  
順治七年平南王尙可喜建菴鐘有銘  
言南征時結營山阿九閱月而克

廣州佛力所助故作茲菴銘字燦然猶可讀也

誰作伽藍記招提二百年門開千嶂日風定一幢烟勳  
業名藩盡因緣古佛憐鐘銘猶好在遺事幾人傳

爲王靜山

長齡

題江南春卷子時靜山將還吳

中矣二首

是誰閒寫水邨圖近接紅樓遠綠蕪聞道三吳近多事  
風光能似畫中無

平生最愛江南景惆悵相看絹素中何日杏花邨畔路  
尋君來趁酒旗風

送靜山還蘇州二首

遠道還鄉願殊方久客身天能憐逆旅君竟作歸人生  
計田園好深情骨肉真頻年蓬累感何似在家貧  
帶甲連鄉里艱辛有歲年風塵知客苦兵革幸家全花  
發三吳地山低百越天他時重回首南望足蠻烟

廣州甲謝靈運

屐齒南交偶一來羅浮雲氣至今開不多文字留荒徼  
轉爲江山惜異才陳迹難同楊子宅苦心莫問魯連臺  
酌泉運甃流風近竟讓前人亦可哀

擬善哉行

高山巍巍江水湯湯瞻望東北不見故鄉故鄉何如千里萬里北風吹人膚皴心死我欲奮飛身無羽翰我思來日來日大難強笑不樂強食不飽愁是何物而令人老拔劍四顧中心茫然身不成名吁嗟盛年

偶成

人愛三冬暖天容一客閒長貧思學稼多病廢看山書對幽花讀詩同惡竹刪鄰家新釀熟取醉暫開顏

病起



藥裹經旬病起遲今年真負菊花期勝情消減辭游侶  
才思闌珊愛小詩旅客秋心黃葉似江鄉霜信綠橙知  
新寒可是相欺得漸覺清愁泥酒卮

發廣州

仲冬天氣寒日澹霜風清旅人迫生事治裝方北征修  
途指韶石流寓辭佗城出門卽長路有酒不願傾夙昔  
志弧矢頗謂離別輕家貧親復老安免傷中情江驛峭  
布帆津鼓開水程吁嗟遠遊士舟楫爲生平

三峽

江水從北來奔騰不能息岡巒約波濤勢欲與之敵三  
峽相經互百里幾通塞導流天地心設險鬼神力夾岸  
連奇峰嵌空立高壁路闢洪荒年石涵太古色雙崖遞  
虧蔽萬壑更揚激大聲動空虛倒影黯深碧我舟逆流  
上百丈界巖石時見下瀨船作氣付一擲豈無江海志  
歷險忱精魄一聞勞者歌慨矣遠行客

舟中望峽山寺

卽飛來寺

江流百里紆山勢兩壁對西巖意迴抱古寺嵌其內峯  
巒倚霜曉樓閣出煙靄飛來始何年金碧闕時代我幼

曾一過重經已廿載勞人多遠行古佛定深慨欲傍精  
舍居微尙寄方外浮生正飄蕩斯志恐難逮

彈子磯

舟人曳繆而上

潁陽三峽盡大尉兩峰向過此氣少舒江勢入平曠孰  
知造化力施設各殊狀扼江生危磯峭壁拒高浪奔洪  
乍回折渟著東寒漲磯下積水深帆楫未可傍孤光百  
丈搖全力一繩仗邪許相叫呼篙師氣愀愴吾手無斧  
柯末由鏟巖嶂窮薄天或矜出險覲無恙

抵韶州

舟行閱旬日心厭帆與檣北風吹遊子忽在庾嶺陽層  
城氣蕭條木落天雨霜登高望中原乾坤浩茫茫側聞  
大庾北羣盜今方張茲邦實要衝鎖鑰資南疆惟恃一  
嶺隔可乏百雉防風聲扼五管雲氣通三湘守險在得  
人此宜備非常落日照城樓野曠塵沙黃羈客爾何事  
悲歌熱中腸

春初雨中憶廣州舊遊

以下甲寅

滇江江上春風生不知幾日來江城江城地僻少花事  
使我不得春風情愁霖忽繼積陰作薄煖難與嚴寒爭

坐令獨客益無俚旅愁不醒如朝醒蒼苔到榻蝸上壁  
流塵積几鐙橫檠卷書不聞時鳥語哦詩只作寒螿鳴  
羈栖忽記昔年事藥洲花市多經行登高人日挈僮侶  
躡鐙元夕聞歌聲新年百事不挂眼花游酒賦紛將迎  
當時行樂如夢寐豈知追憶翻分明世間萬事難預計  
安知明日非朝晴南榮倘見黃襖出北崦便試青鞵輕  
提壺挈榼徑當去春光想見粲已盈不須怙悵感今昔  
此閒亦可聽新鶯

初春雜詩六首

江城何處覓春華  
草未抽芽木未芽  
庾嶺南來三百里  
底無人解寄梅花

淺酌屠蘇卻曉寒  
辛盤雖好嬾加餐  
紅牋閒寫新詩句  
便作宜春帖子看

草堂樽酒不曾開  
偏是春隨細雨來  
孤卻登高人日作

溼雲低壓九成臺

初七日雨  
是日立春

卮酒豚蹄祝歲豐  
松杉野廟走邨翁  
不須更逐遨頭去  
春在田歌社鼓中

朋儔鐙市謝招邀  
旅館寒燠只自挑  
已是勝情消滅盡

東風還送雨瀟瀟

元夕復雨

中原戎馬尙紛然此地春風自管絃  
休說江城鐘事少風光猶是太平年

得季英書卻寄

遠別知何事書來更惘然  
江湖千里道風雨百蠻天  
異采珍珠字奇懷寶劍篇  
相看終不厭惟有杜樊川

蘊蘭谷

蘊玠

玉仲

蘊璘

昆季招集秬圃

昨日之日春風來隔牆  
一樹桃花開紅雨紛紛不知數  
隨風飛入玻璃杯  
今夕開尊樂復樂  
紅燭搖光動簾幙

聽來一曲玉參差飲盡百分銀鬢落文采風流自有真  
諸君意氣總殊倫但教山月能留客那管庭花解笑人  
高吟痛飲皆真意暴謔狂歌亦奇氣若令對酒不沈酣  
危坐相看復何味聯襖倚裳興不孤未妨日日醉行廚  
請編成式題襟集更寫襄陽雅集圖

絕句

自搖雙槳趁鴛鴦指點柔鄉近水鄉垂柳一株遮不住  
紅樓西角有斜陽

夜集沁香榭

是日  
清明



銀燭光中各舉觴東風玉漏未渠央夜深燕子窺人醉  
春暖梨花壓酒香我輩不宜虛此日故人多半在他鄉  
判將茗芋酬佳節莫訝當筵阮籍狂

春日尋薛道衡逍遙臺故址

刺史風流不可攀高臺遺蹟已榛菅可憐落日登臨處  
只在春風想像閒有客來尋三月雨隔江猶是六朝山  
花前雁後終無賴我亦離家且未還

讀樊榭山房詩集四首

更從何處著鉛華派別情懷自一家澹到無痕清有骨

孤山涼月老梅花

流輩輕將澗派嗤，香清味醜幾人知。手編一集分明在。

可有游仙雜事詩。

游仙詩三百首南宋雜事詩百首不入集中

性喜谿山卽隱淪，頭銜自愛署山民。杭州高士偏無後。

子鶴妻梅又一人。

妙語誰如樊榭生。

先生自稱樊榭山民又自號樊榭生

梨花燕子句天成。

偶然神似非形似，我愛江南杜季英。

梨花欲暝初疑雪，燕子如人亦病寒。

季英句也

古宮詞四首

夜深銅輦夢承恩  
椒壁香消有淚痕  
三十六宮秋一樣  
西風先到是長門

銅鋪深鏤晚秋時  
瘦盡宮腰繡帶知  
尙有君恩忘不得  
一階紅葉不題詩

玉鏡慵開暗綠塵  
歌成團扇一傷神  
紅羅亭畔承恩澤  
別有提鞵剗鞦人

釵砌無人長綠苔  
綺櫳留夢不曾開  
宮中縱有樓東賦  
併少珍珠一斛來

六月十五夜月四首

海月清光早江城漏點微竹深螢白照樹暗鶻猶飛對  
影他鄉酒生涼客子衣結璘如識我應笑遠遊非

底用天涯月將愁到夜深星辰原自隔風露易相侵不  
盡紅牆影難爲碧海心清輝虛幌下望遠足沈吟

今夜團欒月征夫幾處看合嚴刁斗靜戍久鐵衣寒鏡  
閣人無寐刀環夢亦難枕戈當此夕清淚未應乾

星漢知中夜塵埃久此身可憐無賴月偏照旅游人圓  
缺長千古陰晴共一旬欲同吳質語湖海勿相親

池亭夜坐

微風度水來吹我池上亭  
有時入叢竹疏響亦可聽  
酒罷倚平檻坐數波中星  
星光乍明滅雜以孤飛螢  
涼意薄衣袂殘醉忽已醒  
夜深愴忘歸滅燭眠疏櫺

積雨感懷

一月南荒雨不休  
重陰黯黹氣如秋  
分無鷓鴣青天起  
眞恐蛟龍白日游  
嶺海只今多戰伐  
江湖隨地足煩憂  
書生旅食艱難際  
更遣愁霖助白頭

有感四首

九成臺榭至今存  
五嶺山川此北門  
險關先秦傳古郡

道通大庾接中原高城俯水雙江合上將防秋萬馬屯  
獨客煩憂成左計祇宜風雨倒深尊

涇陽南望忽煙塵山縣凋殘寇壘新中宿峽深烽照夜  
滄滙江暗霧迷津賣刀買犢非今日發冢椎牛大有人  
太息長公民事策安民先去奸民

赤羽旗開待指揮嚴城已報合重圍登陴慷慨孤軍起  
聞道躉難急檄飛豈有吹篴堪退敵可能聞笛不霑衣  
援師旦夕來天上消息傳聞半是非

秋色高樓意自驚烽煙不見越王城

余家在廣州

夢回南海

雲千里心折西風鴈一聲人爲鼓鼙思將帥天教戎馬  
著書生憂來未暇悲身世斫地中宵古劍鳴

晚登九成臺

臺在韶州城西北隅

向晚旌旗卷深秋鼓角哀西風吹客子落日一登臺山  
勢排雲出江流抱郭來干戈方滿地愁絕菊花杯

重有感四首

以下乙卯

粉堞悲笳落日閒曲中楊柳不曾看殊方兵氣何時息  
戰地春風只自寒帳擁貔貅諸將在城空雀鼠小民餐  
援軍日久來吳楚肯信羣公破賊難

井邑逃亡杼柚空依然旗鼓耀元戎詐降不解誅皇甫  
剽略誰能禁石崇義勇新軍山右卒儲胥奇計晉陽銅  
朝廷詔令多寬大異日猶應策戰功

城郭蕭條寒食煙斷無春氣入戈鋌棘門師老連營日  
藤峽人思破賊年天意終誅徐道覆將才安得馬文淵  
官軍珠海方乘勝早晚南中吉語傳

琴劍頻年悔遠遊春來還上仲宣樓天多風雨驚歸夢  
地有兵戈助客愁盛憲留吳非得已魯連居趙本無求  
田園寥落音書斷彈鋏歌成感不休



失喜

失喜兵戈解兼聞道路通書來千里外愁破一尊中  
篇什經時廢歡娛此日同扁舟好南下江上正多風

送仇敦父

樹本

之揚州二首

以下丁巳

嶺外恩恩理急裝計程秋老到維揚頻年兵革驚蠻微  
此去江山近故鄉

敦父杭州人

官閣早梅他日雪旗亭衰柳

昨宵霜客中送客還愁絕落葉西風鴈幾行

星離雲合事何如太息天涯酒盞疏癡海賸留處寄在  
圍城曾共魯連居故人別路江湖外我輩交情患難餘

兵氣未銷行李遠十行早寄廣陵書

時金陵賊未平揚州猶戒嚴

偶書四首

崩緜一劍幾摩挲塵土風煙奈爾何  
入世動爲真氣誤論才祇覺古人多  
都無快事聊酣睡未敢狂言且放歌  
一笑封侯輸骨相男兒三十已蹉跎

塞耳吾真不欲聞榮枯得喪太紛紛  
從來滄海風無定偏是朱門日易曛  
過眼繁華驚逝水置身空曠愛閒雲  
平生儘著詩窮號多事昌黎送鬼文

未妨生事日蕭條豪氣如雲已漸銷  
縱使工文徒自苦

誰知作達是無聊年華歷歷餘詩卷世事茫茫付酒瓢  
也識

清時無棄物不才祇合老漁樵

悔逐縹緲伴蠶魚寸心得失竟何如自知東野多寒氣  
人道南華是僻書此事故應供訕笑我曹原不諱迂疎  
名山作計真癡絕結習年來喜破除

秋舫曲

芙蓉細泣珍珠露夾岸紅燈幾來去畫船夜夜趁秋潮  
中有情人抱香住涼蟾寫影牽牛中長筵小扇搖微風

流霞百分飲未盡嬌靨已學燕脂紅蠻絃忽按前谿曲  
香燼斜飄暗銀燭迴身小側金叵羅損卻笙囊舊時綠  
流蘇斗帳紅葳蕤髮香末利盤銀絲青篷七尺露痕溼  
涼到鴛鴦應未知

贈任又村經歷

光煦

釣鼈東海任公子倜儻風流自有真儘使微官常乞米  
偶爲高論總驚人軍書戰壘銷前事衙鼓荒邨著此身  
今日南中憶知己籌邊樓下涕沾巾

又村嘗從軍廣西  
爲前制府徐公廣

緡所  
知

寄宋子容

壽昌

時方尋親雲南

不暇論妻子何心計死生卅年雙淚盡萬里一身行

子容

于今春患疾甚劇甫愈卽棄家入滇

金馬秋無際慈烏夜有聲白頭應好

在相見涕縱橫

虞夫人廟二首

并序

嶺南新語云虞英德之虞灣人唐末黃巢破西衡州虞夫爲寨將與賊酣戰而死虞躬擐甲冑率昆弟及鄉人迎戰賊敗去虞亦死焉其後兵徭爲亂每見虞朱衣白馬率兵而來賊輒驚潰嘉定間敕曰夫人生能摧黃巢

之鋒歿能制尚巒之寇封正順夫人立祠香鑪峽中郡  
邑志所載略同漁洋山人北歸志云封貞慧夫人殆一  
時誤記也

弓刀小隊過烟塵誓掃機槍不顧身英氣能摧徐道覆  
香名長配洗夫人靈旗飄忽叢祠晚遺壘荒涼古峽春  
惆悵漁洋老居士落帆會此薦谿蘋

阮亭大廟峽詩落  
帆薦谿毛蘋花媚

中  
渚

當日孤軍鼓角哀美人虹斷陣雲頽甘心馬革從夫子

屈指蛾眉幾將才烽火近連中峽暗

時英德清遠諸  
邑羣盜未靖祠

門長向大江開朱衣白馬今猶昔應有靈風颯颯來

遊南華寺二首

耳熟南華寺西風偶一來塔依秋樹立門向水田開碑  
版無王史僧雛少辨才頓宗今寂寞何處證非臺

金碧凋殘後行人說尙王

康熙中平南王尙可喜重建

空門猶劫火

古殿幾斜陽散佚傳鐙錄蕭條選佛場我來弔方陸風

雅亦微茫

鄭護坪灑若筆記載方密之爲僧後名與可有南華寺與今龍夜坐詩墨迹長軸嘉慶甲

戌護坪曾於寺中見之今不復存矣今龍卽武林陸講山嘗賣藥嶺南者

江行感懷英德道中作

咸豐歲在巳其月爲仲冬吾有韶州行扁舟掩低篷全家別南海長路迎朔風百憂忽中來未語心忡忡廣州夙繁盛民物夸昌丰島夷許互市蕃船相交通百貨集瓊寶萬戶酣笙鏞自從辛丑來海氣侵提封大官老於事長策資和戎奸民遂生心斂數爭梟雄甲寅乙卯開郡縣紛寇攻仰賴

天子聖得就將帥功彫劫在斯民何祿猶羣公豈知丙辰秋海舶來洶洶帆檣逼廬井礮矢飛艨艟邊帥能鎮靜隱忍圖勦庸勳庸未足誇兵革未有終今年十一月



又見海上烽孤軍化後鶴戰士成沙蟲重城十萬家奔  
竄一旦空我時客韶州老母居南中忽聞消息來心如  
秋飛蓬瀾瀾珠江水齷齪越秀峰巖疆多節鉞此失胡  
恩恩夜半招舴艋急發乘奔祺五日達廣州黯黹萬雉  
墉微服入訪問道側遭鄰翁君家已遠去地過昌華宮  
問途指前邨茆屋依江楓登堂見老母喜極涕霑胸骨  
肉離亂閒何意能相逢此豈人所爲深仁感高穹扁舟  
在門前沙岸呼篙工將家更北去脫身戈戟叢江行苦  
寒洄日出猶朦朧煙昏水三峽霧暗山萬重乾坤正創

夷匪獨悲孤蹤

聖朝豈無人長劍橫崆峒懷柔百蠻伏控馭萬里同終  
當滅鬼方更見時會隆天意亦可知吾道無終窮長歌  
激宇宙浩浩江流東

舟中同溥臣作

江上寒如此吾曹方遠行青天開峽色白雨走灘聲歲  
晏猶爲客時危未息兵同君一尊酒聊用慰勞生

英德道中三十初度

一笑逢初度扁舟意灑然脫身兵革地洗眼水雲天衣

食供行役文章媿壯年何時趁鷗鷺真泛鏡湖船

韶州至平石舟次雜詩八首

嚴寒剛換木棉裘又挾琴書作遠遊要看江山奇絕處  
殘年風雪出韶州

全家前日避兵來

家人輩侍  
慈居韶州

家

今日江頭片席開檢

點征衣心骨痛白頭老母夜深裁

樂府纔歌婦病行天涯偏是別離輕今宵玉鏡銀釭畔  
定倚熏籠聽雨聲

曲曲江流淺淺沙老漁多借水爲家臨江別蓋三閒屋

引得霜痕上荻花

江寒水落浪花平三日輕帆百里程虎口灘前人一笑

舟師遙指樂昌城

冬盡瀧流勢不降長年相戒掩篷窗白茆瀧惡滌瀧險  
不及將軍廟下瀧

上瀧難似上青天十丈驚濤百丈牽忽地盤渦供一擲

傍人休認下瀧船

舟至瀧流險處絳忽斷倒行石齒中  
瞬息數里頓遇淺沙而止否則殆矣

張藥房詩十丈盤渦供一擲回頭  
怕見下瀧船卽樂昌瀧道中作也

松杉夾岸影參差落日中流鼓棹遲行盡連瀧聞臘鼓

邨人剛饗伏波祠

平石度歲同蔡光斗

榮奎

盲哲齋澄

不妨除夕住天涯且喜山村酒易賒  
我輩無聊還餞歲今宵有夢各還家  
征途迢遞行剛半歲序侵尋記恐差  
賴是嶺南春信早隔牆紅出小桃花

宜章道中四首

入春才幾日行役又殊鄉  
歲序王正月山川古桂陽  
土風規樸儉人語樂豐穰  
留客逢田父邨醪亦可嘗

邨落都依樹人家半傍山  
雨多田水活春淺桔槔閒  
斑

白猶農事枯鷺自客顏故應衣食計未敢悔閒關  
小住逢溪店輿夫索午餐當門安土鏗傍樹結牛欄畫  
鼓兒童喜春燈婦子歡似聞兵燹後生計已躑難  
日暮峰巒暗邨回石徑斜人收茶樹子春釀蠟梅花茹  
屋疏疏樹柴門點點鴉晚來圖一宿燈火認農家

宿黃沙堡

城堞黃沙堡人家白板門管絃猶小市煙火自孤邨破  
屋風聲急顏垣雨氣昏向來兵革事野老怕重論

三月八日道出韶州金鏡塘

奉禮

招集河舫卽

事有作

晴波淼淼柳絲絲正是東風欲倦時打槳來聽珠絡索  
當筵爭勸玉交卮美人顏色花相照旅客心情酒不辭  
無奈雙鬢愁太甚研羅裙上索題詩

佛山旅次遇吳佩之

蘇

自廣州來

殊方握手一長歎破帽殘衫氣不舒猶是塵埃貧賤日  
况當兵火死生餘蒼涼舊事題襟集重疊新愁乞米書  
典盡鷓鴣君莫悔賦才還似馬相如

贈吳星儕孝廉

炳南

卽題其華谿集後四首

不信吳夫子才高轉苦貧  
蠻煙樓孔雀靈囿失麒麟  
赤羽平生志青袍不仕身  
壯年猶寂寞太息作詩人

一卷華谿集南中獨擅場  
派殊袁趙蔣格變屈陳梁  
清絕芙蓉水微參薜蔔香  
爲君圖主客低首拜漁洋

大有千秋感蒼涼不自知  
別裁新樂府幽怨古宮詞  
秋雁三邊角春蠶五色絲  
玉谿應不遠何事說東維

集中  
詠史

詩最工番禺張南山郡丞謂其不必如鐵厓西涯標樂府之目而意興所至往往言簡而味長意深而語顯真知言也集中古宮詞數十首亦詠史之支流故竝及之

海國烽煙日文章  
悔我曹相逢  
蹇杜若徒步出蓬蒿洗



馬愁何極元龍氣自豪陰符如註就應佩赫連刀

時君方預

軍事

### 佛山遇十七弟時弟將試吏廣州

昔日與弟見髯髮相嬉娛今日與弟見弟已二十餘睽  
隔逾十年迢遙越千里中間所遭逢叙述雜悲喜弟遊  
嘉應潮出入兵革閒一歌從軍樂再歌行路難我遊廣  
與韶飢寒更戎馬文章出憂虞真賞故應寡今日良快  
事弟兄此對牀懷遠驛中雨永嘉池上堂弟今就一官  
升斗博微祿先人有遺書暇日猶可讀勿以貧賤故

負此少壯時盛年不努力秋霜生鬢絲

食荔枝有感

番州絕少海山仙不擘輕紅已五年俊味重嘗還太息  
旅人相對故依然回頭珠海承平日到眼晶盤小暑天

聞說唐園蕪廢盡南中長憶阮公賢

謂文達公

寄秋丞二首

秋風動嶺海千里烟塵昏異鄉戎馬閒離合難可論君  
今游大庾慷慨望

平

中原酒半擊長劍悲歌入深尊我

來賁隅西野哭聞連邨旅食媿獨飽太息居衡門君方

讀陰符吾欲著罪言布衣未許國何以達

九圍軍鋒接溟渤生事隨乾坤憂來不能語惻惻傷心  
魂

憶昔初結交鞬迹託江海何嘗慕輕肥頗欲耀文采今  
來十數秋忽忽歲月改奔走衣食中貧賤召尤悔感此  
復何言功名不相待無人薦長楊徒爾佩芳芷烽燧異  
鄉多湖山故園在終當與子歸泛宅聽欵乃

贈秀子璞郡丞

秀琨

輞川坡老是前身風度儵然圻角巾東海尙思賢太守

君嘗權  
守東昌  
南園重到舊詩人漫遊巖壑添奇句閒寫煙雲

養性真勝有梅花緣未了願君留賞玉山春

君爲阮文達公著錄

弟子嘗種梅於越秀山學海堂比年重游廣州又補種數十株有詩紀事

### 感舊行同松谷飲酒作

西風簾卷江上樓故人一醉蠻天秋幾年遠別去復去  
今日相逢愁更愁與君別多相見少對酒應須豁懷抱  
酒酣一語欲告君海內無如故人好故人往歲居賁隅  
詩城酒社相嬉娛知交頗多遊興劇花田榕寺芝蘭湖  
今來忽忽無十載轉瞬浮雲足深慨湖山都在煙塵中

豈獨飄零感吾輩卽論流輩亦可憐工文往往囊無錢

俞

薄臣陳明山

倪雲癯

李季膺

各奔走意氣亦復非從

前聚本如雲散如雨就中已失樊川杜

季英

朋好先驚

弱一入文章何暇論千古酌君斗酒君勿辭世閒萬事

不可知黃墟白社盡陳迹有酒不飲何其癡酒闌日落

風景暮秋色蒼茫接煙樹高樓今日盡君歡莫問當年

躑歌處

廣州城西旅夜寄松谷

各有千秋感先愁雨鬢摧躑躅深世味飄泊損詩才客

久秋心苦城荒夜角哀思君兵馬際涕淚入殘杯

讀亡友杜季英暨其師丁采之遺詩慨然有作

三首

伏櫪千里駒入笈九苞鳳精神鬱不舒文采寘無用豈  
有大宛歌孰爲阿房貢駑駘與凡鳥相顧肆嘲弄老死  
塵埃中宇宙方瀕洞風激紫塞長雲開碧天空識者一  
長吁此意最沈痛

文章小技耳成就何其難探尋入微渺一一鑄肺肝神  
鋒得萬灌丹藥歷九還孜孜不自息生死鉛槧閒及其

功力全不過一字安寥天灑白雪大海迴紫瀾此事足  
娛樂亦復多辛酸不見丁杜詩棄擲無人看

采之於爲詩意欲踞泰華風格非不高惜未窮變化季  
英視其師精銳不相下狐白成冬裘驪黃肅秋駕近世  
派別繁女嬌或兒嗷二子出其間一戰可以霸奈何遊  
奇阨青霞入修夜吾思小樊川鉛淚爲一瀉

龔朗山

與君南武亭邊別訪我東官縣裏來  
萬里還家重避亂六年歧路一銜杯  
杜陵詩句愁來少庾信文章老去哀

莫怪酒闌饒涕淚舊遊蕪絕越王臺

原作

漢軍

陳良玉

朗山

老我平生餘患難頻年交舊音書斷江南陷賊幸逃  
身歸閩佗城兵火亂倉皇避地各東西荒郵夜夜驚  
鳴雞眼中幼子又飢卒長歌欲放聲酸嘶菊花色黃  
楓葉赤異縣相逢還此日數到詩人涕淚多謂無錫  
杜季英  
去歲在圃城中礮卒償來杯酒幽憂失此身不死或關天區區  
抱書真可憐人間當路半豺虎世外閱劫誰神仙汗  
水雲吾與汝羅浮近鄰天尺五長鏡好關黃精圃丹



竈可燒芝可煮但學長生訪葛洪何用哀歌傷杜甫

太原王烈真可人石髓同餐味如乳

謂蘭谷

東莞遇仲容卽送其試官廣州

西風動溟渤雲破天開秋潮隨故人一夕海上來昔  
爲九秋別今自萬里回別後事百端思之心爲摧南交  
我瀕洞北道君塵埃失喜江海閒復共酒一杯哲弟

季

莫吾素交文詞照尊罍此來獨不見涕下如瓊瑰君今  
謁東閣且復歌南陔娛親要循吏爲治須通才願君樹  
桃李我久安蒿萊病驥聊一鳴躩蹀看龍媒

除夕

糝盆火王蠟鎧明便覺梅花倍有情  
餞歲杯槃仍越俗  
比鄰簫鼓已春聲  
旃禮佛  
慈親健粉荔迎年弱女  
爭書罷桃符還一笑  
慣將吉語祝昇平

隨山館猥稟卷之三終